



萬首唐人絕句卷第五十八

七言一百首

暮春對柳二首

司空圖



縈愁惹恨奈楊花閉戶垂簾亦滿家
惱得閒人作酒病剛須又撲越溪茶

洞中猶說看桃花輕絮狂飛自俗家
正是階前開遠信小娥旋拂碾新茶

戊午三月晦二首

隨風逐浪劇蓬萍圓首何曾解最靈
筆硯近來多自棄

妖氣音又星

牛誇其品無敵謝占詩家作上流豈似小敷春水
漲年年鸞鶴待仙舟

偶書五首

情知了得未如僧客處高樓莫強登鶯也解啼花也
發不關心事最堪憎

自有池荷作扇搖不關風動愛芭蕉只憐直上抽紅
藥似我丹心向本朝

曾看輕舟渡遠津無風着岸不經旬只緣命蹇須知
命却是人爭阻得人

上谷何曾解有情有情人自惜君行證因池上今生

願的的他生作化生

新店南原後夜程黃河風浪信難平渡頭楊柳知人
意爲惹官船莫放行

喜山鵲初歸三首

翠衿紅嘴便知機久避重羅穩處飛只爲從來偏護
惜窻前今賀主人歸

山中只是惜珍禽語不分明識爾心若使解言天下
事燕臺今築幾千金

阻他羅網到柴扉不奈偷倉雀轉肥賴爾林塘添景
趣剩留山果引教歸

虞鄉北原

澤北村貧煙火穉稚田冬旱倩牛耕老人惆悵逢人
訴開盡黃花麥未金

洛中三首

秋風團扇未驚心笑看糶臺落葉侵繡鳳不教金縷
暗青樓何處有寒砧
不用頻嗟世路難浮生各自繫悲懽風霜一夜添羈
思羅綺誰家待早寒
燕巢空後誰相伴鴛鴦被縫來不忍薰薄命敢辭長滴
淚倡家未必肯留君

寓筆

年年鑷鬢到花飄依舊花繁鬢易凋撩亂一場人更
恨春風誰道勝輕颺

戲題試衫

朝班盡說人宜紫洞府應無鶴着緋從此玉皇須破
例染霞裁賜地仙衣

沐柳半枯因悲柳中隱

行人莫歎前朝樹已占河堤幾百春惆悵題詩柳中
隱柳衰猶在自無身

上方

花落更同悲木落鶯聲相續卽蟬聲榮枯了得無多
事只是閒人漫繫情

寄王贊學

黃卷不關兼濟美青山自保老閒身一行萬里纖塵
靜可要張儀更入秦

新節

轉悲新歲重於山不似輕鷗肯復還朱紱縱教金印
換青雲未勝白頭閒

自河西歸山二首

一水悠悠一葉危往來長恨阻歸期鄉關不是無華

表自爲多驚獨上遲

水闊風驚去路危孤舟欲上更遲遲鶴羣長擾三珠
樹不借閒人一隻騎

王官二首

風荷似醉和花舞沙鳥無情伴客閒總是此中皆有
恨更堪微雨半遮山

荷塘煙罩小齋虛景物皆宜入畫圖盡日無人只高
臥一雙白鳥隔紗幙

賀翰林侍郎二首

太白東歸鶴背吟鏡湖空在酒船沉今朝忽見銀臺

事早晚重徵入翰林
玉版徵書洞裏看沈羲新拜侍郎官文星喜氣連台
曜聖主方知四海安

寄三十三舍人

幾年汶上約同遊擬爲蓮峰別置樓今日鳳凰池畔
客五千伊雪不回頭

綸閣有感

風濤曾阻化鱗來誰料蓬瀛路却開欲去遲遲還自
笑狂才應不是仙才

寄薛起居

小域新啣賀聖朝亦知蹇分巧難拋麤才自合無岐
路不破工夫漫解嘲

古宮怨

王建二十九首

亂鳥啞啞飛復啼宮頭晨夕宮中棲吳王別殿繞江
水後宮不開美人死

祝鵲

神鵲神鵲好言語行人早回多利賂我今庭中栽好
樹與汝作巢當報汝

海人謠

海人無家海裏住採珠殺象爲歲賦惡波橫天山塞

路未央官中常滿庫

兩頭纖纖

兩頭纖纖青玉玦半白半黑頭上髮
臚臚膊膊春冰裂磊磊落落桃花結

看碁

彼此抽先局勢平傍人道死的還生
兩邊對坐無言語盡日時聞下子聲

設酒寄獨孤少府

自看和釀一依方緣看松花色較黃
不分君家新酒熟好詩收得被回將

新授戒尼師

新短方裙疊作稜聽鐘洗鉢繞青蠅
自知戒相分明後先出壇場禮大僧

于宅看花

小葉稠枝粉壓摧暖風吹動鶴翎開
若無別事為留難拋却貧家宿看來

元太守同遊七泉寺

盤磴迴廊古塔深紫芝紅藥入雲尋
晚吹簫管秋山裏引得獼猴出象林

望定州寺

回看佛閣青山半三四年前到上頭省得老僧留不
住重尋可更有因由

道中寄杜書記

西南東北暮天斜巴字江邊楚樹花珍重荊州杜書
記閒時多在廣師家

聽琴

無事此身離白雲松風溪水不曾聞至心聽着仙翁
引今看青山圍繞君

贈陳評事

識君雖向歌鐘會說事不離雲水間春夜酒醒長起

坐燈前一紙洞庭山

寄畫松僧

天香寺裏古松僧不畫枯松落石層最愛臨江兩三
樹水禽棲處解無藤

花褐裘

對織芭蕉雪毳新長縫雙袖窄裁身到頭須向邊城
着消殺秋風稱獵塵

夜看美人宮碁

宮碁布局不依經黑白分明子數停巡拾玉沙天漢
曉猶殘織女兩三星

上田僕射

一方新地隔河煙，曾接諸生聽管弦。
却憶去年寒食會，看花猶在水堂前。

樓前

天寶年前勤政樓，每年三日作鞦韆。
飛龍老馬曾教舞，聞着音聲忽舉頭。

聽雨

半夏思家睡裏愁，雨聲落落屋簷頭。
照泥星出依前黑，淹爛庭花不肯休。

冬至後招于秀才

日近山紅暖氣新，一陽先入御溝春。
聞閒立馬重來此，沐浴明年稱意身。

送人歸丹陽

江城柳色海門煙，欲到茅山始下船。
知道君家當瀑布，菖蒲潭在草堂前。

春早聞鶯

侵黑行飛一兩聲，春寒轉小未分明。
若教更解諸餘語，應向官花不惜情。

題石甕寺

天宮連內繞丹巖，塵蓋雲間落數帆。
遙指上皇翻曲

處百官題字滿西嵌

寄張博士

春明門外作卑官病友經年不得看
莫道長安近于日升天却易到城難

太和公主和蕃

塞黑雲黃欲渡河風沙眯眼雪相和
琵琶淚濕行聲小斷得人腸不在多

舊宮人

先帝舊宮宮女在亂絲猶插鳳凰釵
霓裳法曲渾拋却獨自花間掃玉階

新晴後

夏夜新晴星較少雨收殘水入天河
簷前着熱衣裳坐風冷渾無撲火蛾

寄薛濤校書

萬里橋邊女校書琵琶花裏寄閒居
掃眉才子無多少管領春風總不知

長門燭

秋夜牀前蠟燭微銅壺滴盡曉鐘遲
殘光欲滅還吹着年少宮人不睡時

樂府辭二十五首

伊州歌五首

蓋嘉運進

秋風明月獨離居
蕩子從戎十載餘
征人去日殷勤囑
歸鴈來時數寄書

彤闈曉闢萬鞍回
玉輅春遊薄晚開
渭北清光搖草樹
南洲佳景入樓臺

千門今夜曉初晴
萬里天河徹帝京
燦燦繁星駕秋色
稜稜霜氣韻鐘聲

長安二月柳依依
西出流沙路漸微
闕氏山上春光少
相府邊廷驛使稀

三秋大漠冷溪山
八月嚴霜變草顏
捲旆風行宵

磧銜枚電掃曉應還

捉拍睦州

西去輪臺萬里餘
故鄉音耗日應疎
隴山鸚鵡能言語
爲報閨人數寄書

水調歌七首

平沙落日大荒西
隴上明星高復低
孤山幾處看烽火
壯士連營候鼓鼙

猛將關西意氣多
能騎駿馬弄瑯戈
金鞍寶鉞精神出
倚笛新翻水調歌

隴頭一斷氣長秋
舉目瀟條總是愁
祗爲征人多下

漢年年添作斷腸流

細草河邊一鴈飛黃龍關裏掛戎衣爲受明王恩寵
甚從事經年不復歸

昨夜邀歡出建章今朝徵賞度昭陽傳聲莫閉黃金
屋爲報先開白玉堂

日晚笳聲咽戍樓隴雲漫漫水東流行人萬里向西
去滿目關山空自愁

千年一遇聖明朝願對君王舞細腰乍可當熊任生
死誰能伴鳳上雲霄

涼州歌四首

漢家宮裏柳如絲上苑桃花連碧池聖壽已傳千載

酒天文更賞百僚詩

朔風吹葉鴈門秋萬里煙塵昏戍樓征馬長思青海

北胡笳夜聽隴山頭

三秋陌上早霜飛羽獵平田淺草齊錦背蒼鷹初出

按五花驄馬餵來肥

鴛鴦殿裏笙歌起翡翠樓前出舞人喚上紫微三五
夕聖明萬壽一千春

突厥三臺

鴈門山上鴈初飛馬邑欄中馬正肥日昨山西逢驛

使殷勤南北送征衣

蓋羅縫二首

秦時明月漢時關
萬里征人尚未還
但使龍庭飛將
在不教胡馬度陰山
音書杜絕白狼西
桃李無顏黃鳥啼
寒鴈春深歸去
盡出門腸斷草淒淒

雙帶子

私言切切誰人會
海燕雙飛繞畫梁
君學秋胡不相
識
妾亦無心去採桑

胡渭州

亭亭孤月照行舟
寂寂長河萬里流
鄉國不知何處
是
雲山漠漠使人愁

水鼓子

雕弓白羽獵初回
薄夜牛羊復下來
夢水河邊秋草
合
黑山峰外陣雲開

鍾西二首

天邊物色更無春
祇有牛羊與馬羣
誰家營裏吹羌
笛
哀怨教人不忍聞

歲去年來拜聖朝
更無山闕對溪橋
九門楊柳渾無
半
猶自千條與萬條

雜詩見才調詩

無名氏十五首

青天無雲月如燭
露泣梨花白如玉
子規一夜啼到
明美人獨在空房宿

空賜羅衣不賜恩
一燠香後一消魂
雖然舞袖何時
舞長對春風挹淚痕

不洗殘粧並繡牀
却嫌鸚鵡繡鴛鴦
回針刺到雙飛
處憶着征人淚數行

眼想心思夢裏驚
無人知我此時情
不如池上鴛鴦
鳥雙宿雙飛過一生

一去遼陽繫夢魂
忽傳征騎到中門
紗窗不肯施紅
粉徒遣蕭郎問淚痕

鶯啼露冷酒初醒
菴畫樓西曉角鳴
翠羽帳中人夢
覺寶釵斜墜枕函聲

滿目笙歌一段空
萬般離恨總隨風
多情爲謝殘陽
意與展晴霞片片紅

兩心不語暗知情
燈下裁縫月下行
行到階前知未
睡夜深聞放剪刀聲

近寒食雨草萋萋
着麥苗風柳映堤
一是有家歸未
得杜鵑休向耳邊啼

洛陽才子鄰簫恨
湘水佳人錦瑟愁
今昔兩成惆悵

事臨卽春盡暮江流

浙江輕浪古悠悠望海樓吹望海愁莫怪鄉心隨魄

斷十年爲客在他州

數日相隨兩不忘郎心如妾妾如郎出門便是東西

路把取紅牋各斷腸

無定河邊暮笛聲赫連臺畔旅人情函關歸路千餘

里一夕秋風白髮生

舊山雖在不關身且向長安過暮春一樹梨花一溪

月不知今夜屬何人

花落長川草色青暮山重疊雨溟溟逢春便覺飄蓬

苦今日分離一涕零

萬首唐人絕句卷第五十八

萬首唐人絕句卷第五十九

七言一百首

穆天子傳

唐彥謙三十七首

王母清歌玉瑄悲
瑤臺應有再來期
穆王不得重相見
恐為無端哭盛姬

楚天

楚天遙望每長嘯
宋玉襄王盡作塵
不會瑤姬朝與暮
更為雲雨待何人

寄徐山人

一室清羸鶴體孤
體和神瑩爽冰壺
吳中高士雖求

死不那稽山有謝敷

題宗人故帖

所忠無處訪相如風笈塵編迹尚餘惟有孝標情最厚一編遺在茂陵書

垂柳

絆惹春風別有情世間誰敢鬪輕盈楚王江畔無端種餓損纖腰學不成

登興元城觀烽火

漢川城上角三呼護蹕防邊列萬夫褒姒塚前烽火起不知泉下破顏無

鄧艾廟

昭烈遺黎死尚羞揮刀斫石恨醮周如何千載留遺廟血食巴山伴武侯

曲江春望

杏艷桃光奪晚霞樂遊無廟有年華漢朝冠蓋皆陵墓十里宜春漢苑花

漢殿

鳥去雲飛意不通夜壇斜月轉松風君王寂慮無消息却就閑人覓巨公

賀李昌時禁苑新命

振鷺翔鸞集禁闈玉堂珠樹瑩風儀不知新到靈和
殿張緒何如柳一枝

牡丹

顏色無因饒錦綉馨香惟解掩蘭蓀那堪更被烟蒙
蔽南國西施泣斷魂

羅江驛

數枝高柳帶鳴鴉一樹山榴自落花已是向來多淚
眼短亭回首在天涯

奏捷西蜀題沱江驛

野客乘輶非所宜况將儒懦報戎機錦江不識臨邛

酒且免相如渴病歸

春蚤落英

紛紛從此見花殘轉覺長繩繫日難樓上有愁春不
淺小桃風雪凭欄干

仲山高祖兄仲山隱居之所

千載遺踪寄薜蘿沛中鄉里漢山河長陵亦是閑丘
壠異日誰知與仲多

漢嗣

漢嗣安危繫數君高皇意決勢難分張良口辨周昌
吃同建儲官第一勛

四老廟

西漢儲宮定不傾可能園綺勝良平舉朝公將無全策借請閑人羽翼成

南梁戲題漢高廟

數載從軍似武夫今隨戎捷氣偏粗漢王若問何爲者免道高陽舊酒徒

洛神

人世仙家本自殊何須相見向中途驚鴻瞥過游龍去漫惱陳王一事無

初秋到慈州冬首換絳牧

秋杪方攀玉樹枝隔年無計待春暉自嫌暫作仙城守不遂鶯來共燕飛

重經馮家舊里

馮家舊宅閉柴關脩竹猶存澗水灣應繫星辰上天去不留英骨葬人間

克復後登安國寺閣

千門萬戶鞠蒿藜斷燼遺垣一望迷惆悵建章鴛瓦盡夜來空見玉繩低

題虔僧室

何緣春恨貯離憂欲入空門萬事休水月定中何所

為也嘖眉黛托腮愁

見煬帝寶帳

漢文窮相作前王
慳惜明珠不斗量
翡翠紋鮪何所
直千裨萬接上書囊

樓上偶題

塵土無因押隱淪
青山一望每傷神
可能前嶺空喬
木應有懷才抱器人

親仁里聞猿

朱雀街東半夜驚
楚魂和夢兩徒清
五更撩亂趨朝
火滿口塵埃亦數聲

聞李瀆司勳下世

異鄉丹旆已飄揚
一顧深知實未亡
任被楮褒泉下
笑重將北面哭真長

試夜題省廊柱

麻衣穿穴兩京塵
十見東堂綠桂春
今日競飛揚葉
箭魏舒休作畫籌人

竹風

竹映風窸數陣斜
旅人愁坐思無涯
夜來留得江湖
夢全為乾聲似荻花

長溪秋望

柳短莎長溪水流雨微烟暝立溪頭寒鴉閃閃前山
去杜曲黃昏獨自愁

嚴子陵

嚴陵情性是真狂抵觸三公傲帝王不怕舊交稱僭
越喚它侯霸作君房

北齊

草草招携強據鞍周師乘勝莫回看背城肯戰知虛
實爭奈人前忍笑難

楚世家

偏信由來惑是非一言邪佞脫危機張儀重入懷王

手駟馬安車却放歸

驪山道中

月殿真妃下綵烟漁陽追虜及湯泉君王指點新豐
樹幾不親留七寶鞭

韋曲

欲寫愁腸愧不才多情練漉已低摧窮郊二月初離
別獨傍寒村嗅野梅

黃子陂荷花

十頃狂風撼麴塵綠堤照水露紅新世間花氣皆愁
絕恰是蓮香更惱人

野行

蝶戀晚花終未去鷗逢春水固難飛野人心地都無
著伴蝶隨鷗亦不歸

與徐溫話別

方干二十八首

去去何時却見君悠悠烟水似天津明年今夜有明
月不是今年看月人

寒食日

百花香氣傍行人花底垂鞭日易醺野父不知寒食
節穿林轉壑自燒雲

出東陽道中作

馬首寒山黛色濃一重重盡一重重醉醒已在他人
界猶憶東陽昨夜鍾

與陳長官

枕上愁多百緒牽常時睡覺在溪前人間盡是交親
力莫道升沉總信天

商明府家學方響

葛溪鐵片梨園調耳底丁東十六聲彭澤主人憐妙
樂玉盃春煖許同傾

別商明府

許教門館久踟躕仲叔懷恩對玉壺惟有離心欲萌

客望垂雙淚不成珠

贈楊長官

直鈎終日竟無魚鐘鼓聲中與世疎若向湖邊訪幽
拙蕭條四壁是閑居

貽僧二首

秋水一泓長見底澗松千尺不生枝人間學佛知多
少淨盡花心只有師
四十年來多少人一分零落九成塵與師猶得重相
見亦是枯株勉強春

題畫建溪圖

六幅輕綃畫建溪刺桐花下路高低分明記得曾行
處祇欠猿聲與鳥啼

蜀中

遊子去遊多不歸春風酒味勝餘時閑來却伴巴兒
醉荳蔻花邊唱竹枝

將歸湖上留別陝宰

歸去春山逗晚晴紫迴樹石罅中行明時不是無知
已自憶湖邊釣與耕

題鮑處士壁

水濶坐着千萬里青蕪蓋地接天津襴衡莫愛山中

靜逸舍山多却碍人

經曠禪師舊院

谷鳥散啼如有恨庭花含笑似無情更名變貌難休
息去去來來第幾生

江南聞新曲

席上新聲花下盃一聲聲被拍心催樂工不識長安
道盡是書中寄曲來

越中寄孫百篇二首

上才乘醉到山陰日日篇成字字金鏡水周圍千萬
頃波瀾倒瀉入君心

錦價轉高花更巧能將舊手弄新梭從來一字為褒
貶二十八言猶太多

題飛來峯

邃岩喬木夏藏寒床下雲溪枕上看臺殿漸多山更
重却令飛去即應難

過李群玉故居

許直上書難遇主啣冤下世未成翁琴樽劍鶴隨將
去惟鎖山齋一樹風

君不來

遠路東西欲問誰寒來無處寄寒衣去時初種庭前

樹樹已勝巢人未歸

送鄉中故人

少小與君情不踈聽君細話勝家書如今若到鄉中去道我垂鈎不釣魚

思江南

昨日草枯今日青羈人又動故鄉情夜來有夢登歸路不到桐廬已及明

別孫蜀

吳越思君意易傷別君添我髮邊霜由來淙水偏堪恨截斷千山作兩鄉

贈江上老人

潭底錦鱗多識釣未投香餌即先知欲教魚目無分別須學採藍染釣絲

詠花二首

狂心醉眼共徘徊一半先開笑未開此日不能偷折去蝴蝶直恐趁人來

可憐妍艷正當時剛被狂風一夜吹今日流鶯來舊處百般言語帶空枝

路入金州江中作

棹尋椒岸縈迴去數里時逢一兩家知是從來貢金

處江邊牧豎亦披沙

夜會鄭氏林亭

卷簾圓月照方塘坐久罇空竹有霜
白犬風驚鴈飛起猶能一一旋成行

清平調詞三首

李白四首

雲想衣裳花想容春風拂檻露華濃
若非群玉山頭見會向瑤臺月下逢

一枝紅艷露凝香雲雨巫山枉斷腸
借問漢宮誰得似可憐飛燕在昭陽

名花傾國兩相歡長得君王帶笑看
解釋春風無限

恨沉香亭北倚欄干

戲贈杜甫

飯顆山前逢杜甫頭戴笠子日卓午
借問別來太瘦生總為從前作詩苦

賀裴裕

李搏一首

曾隨風水化凡鱗安上門前一字新聞道
蜀江風景好不知何似杏園人

遊秦別妻

元載一首

年來誰不厭龍鍾雖在侯門似不容
看取海山寒翠樹若遭霜霰到秦封

懷舊

李章武 二首

水不西歸月暫圓令人悵望古城邊
蕭條明早分岐路知更相逢何歲年

戲經僧

南宗尚許通方便何處心中更有經
好去苾芻雲水畔何山松柏不青青

送紅綿酒

冷朝陽 一首

採菱歌怨木蘭舟送客魂消百尺樓
還似洛妃乘霧去碧天無際水空流

題馬嵬驛

狄歸昌 一首

馬嵬烟柳正依依重見蠻輿幸蜀歸
泉下阿蠻應有語這回休更泥楊妃

贈張神女

沈警 二首

義起曾歷許多年張碩凡得幾時憐
何意今人不如昔鬢來相見更無緣

離歌

直值行人心不平那宜萬里阻閨情
只今隴上分流水更泛從來嗚咽聲

題巫山廟

繁知 一首

忠州刺史令才子行到巫山必有詩
為報高唐神女

道速排雲雨候清辭

題鄧仙客墓

天嶠遊人一首

鶴老芝田鷄在籠上清那與俗塵同既言白日昇仙
去何事人間有殯宮

舟行作

衡山舟子一首

野鵲灘西一棹孤月光遙接洞庭湖堪嗟迴雁峯前
過望斷家山一字無

罷歙州贈交代

李擢一首

經年理郡少歡娛為習干戈間飲徒今日臨行盡交
唐絕句卷第五十九

萬首唐人絕句卷第六十

七言一百首

六朝詠史

孫元晏七十五首

吳黃金車

分擘山河即漸開許昌基業已傾積黃金車與斑斕
耳早箇須知入識來

赤壁

會獵書來舉國驚祗應周魯不教迎曹公一戰奔波
後赤壁功傳萬古名

魯肅指囷

破產移家事亦難佐吳從此霸江山爭教不立功勳
得指出一困如等閑

甘寧斫營

夜深偷入魏軍營滿寨驚忙火似星百口寶刀千匹
絹也應消得與甘寧

徐盛

欲把江山鼎足分那真銜冊到江南當時將相誰堪
重徐盛將軍最不甘

魯肅

斫案興言斷衆疑鼎分從此定雄雌若無子敬心相

似爭得烏林破魏師

武昌

西塞山高截九垓讖謠終日自相催武昌魚美應難
戀曆數須歸建業來

顧雍

贊國經綸更有誰蔡公相歎亦相師貴為丞相封侯
了歸後家人揔不知

呂蒙

幼小家貧實可哀願征行去志難回不探虎穴求身
達爭得人間富貴來

介象

好道君王遇亦難
變通靈異幾多般
介先生有神仙術
釣得鱸魚在玉盤

濡須塢

風揭洪濤響若雷
枕波爲壘險相隈
莫言有箇濡須塢
幾度曹公失志回

周泰

名與諸公又不同
金瘡痕在滿身中
不將御蓋宣恩澤
誰信將軍別有功

張紘

東部張公與衆殊
共施經贊全吳
陳琳漫自稱雄伯
神氣應須怯大巫

太史慈

聖德招賢遠近知
曹公心計却成欺
陳韓昔日嘗投漢
豈是當歸召得伊

孫堅后

委付張公翊聖材
幾將賢德贊文臺
爭教不霸江山得
日月徵曾入夢來

陸統

將軍身歿有兒孤
虎子爲名教讀書
更向宮中教騎

馬感君恩重合何如

青蓋

曆數將終勢已摧不脩君德更堪哀被它青蓋言相
誤元是須教入晉來

晉七寶鞭

天命須知豈偶然亂臣徒欲用兵權聖謨廟略還應
別渾不消它七寶鞭

庾悅鵝炙

春暖江南景氣新子鵝炙美就中珍庾家厨盛劉公
困渾弗相貽也惱人

謝玄

百萬兵來逼合肥謝玄爲將統雄師旌旗首尾千餘
里渾不消它一局碁

謝混

尚主當初偶未成此時誰合更關情可憐謝混風華
在千古翻傳禁鬻名

陸玩

陸公高論亦由衷謙讓還慙未有功天下忠良人欲
盡始應交我作三公

王坦之

晉祚安危只此行坦之何必苦憂驚謝公合定寰區
在爭遣當時事得成

蒲葵扇

拋捨東山歲月遙幾施經略挫雄豪若非名德喧寰
宇爭得蒲葵價數高

王郎

太尉門庭亦甚高王郎名重禮相饒自家妻父猶如
此誰更逢君得折腰

劉毅

遶床堪壯喝盧聲似鐵容儀衆盡驚二十七人同舉

義幾人全得舊功名

王恭

春風濯濯柳容儀鶴氅神心舉世推可惜教君仗旄
鉞枉將心地託牢之

謝公賭墅

發遣將軍欲去時略無情撓只貪碁自從乞與羊曇
後賭墅功成更有誰

符堅投筆

投筆填江語未終謝安乘此立殊功三台星爛乾坤
正且與張華死不同

衛玠

叔寶羊車海內稀
山家女婿好風姿
江東士女無端甚
看殺玉人渾不知

郭璞脫襦

吟坐因思郭景純
每言窮達似通神
到頭分命難移改
解脫青襦與別人

庾樓

江州樓上月明中
從事同登眺遠空
玉樹忽埋千載後
有誰重此繼清風

新亭

容易乘虛逼帝畿
滿江樓艦與旌旂
盧循若解新亭上
勝負還應未可知

宋大峴

大峴纔過喜可知
指空言已副心期
公孫計策嗟無用
天與南朝作霸基

放宮人

納諫廷臣免犯顏
自然恩可霸江山
姚興侍女方承寵
放出宮闈若等閑

借南苑

人主詞應不偶然
幾人曾說笑掀天
不知南苑今何

在借與張公三百年

謝澹雲霞友

仗氣凌人豈可親只將范泰是知聞
緣何喚作雲霞友却恐雲霞未似君

烏衣巷

古迹荒基好嘆嗟滿川吟景只煙霞
烏衣巷在何人住回首令人憶謝家

袁粲

負才尚氣滿朝知高卧閑吟見客稀
獨步何人識袁尹白楊郊外醉方歸

劉伯龍

位重何如不厭貧伯龍孤子只修身
固知生計還須有窮鬼臨時也笑人

王方平

拂衣耕釣已多時江上山前樂可知
着却貂裘將採藥任它人喚作漁師

黃羅襪

戚屬羣臣盡見猜預憂身後又堪哀
到頭委付何曾是虛把羅襪與彥回

謝朓

謝家諸子盡蘭香各震芳名滿帝鄉唯有千金更堪
重只將高臥向齊王

羊玄保

運命將來各有期好官才闕即思之就中堪愛羊玄
保偏受君王分外知

齊謝朓

解璽傳呼詔侍中却來高臥豈踈慵此時忠節還希
有堪羨君王特地容

小兒執燭

謝公情量已難量忠宋心誠豈暫忘執燭小兒渾放

去略無言語與君王

王僧祐

肯與公卿作等倫澹然名德只推君任它車騎來相
訪簫鼓盈庭似不聞

王僧虔

位高名重不堪疑懇讓儀同帝亦知不學常流爭進
取却憂門有二台司

明帝裹蒸

至尊尊貴異人間御膳天厨豈等閑惜得裹蒸無用
處不如安霸取江山

鬱林王

強哀強慘亦從伊歸到私庭喜可知
喜字漫書三十六到頭能得幾多時

何氏小山

顯達何曾肯繫心築居郊外好園林
賺它謝朓出山去贏得高名直至今

王倫之

豫章太守重詞林圖畫陳蕃與華歆
更莫子將并孺子爲君千載作知音

潘妃

曾步金蓮寵絕倫豈甘今日委埃塵
玉兒還有懷恩處不肯將身嫁小臣

王亮

後見梁王未免哀奈何無計拯傾頽
若教彼相顛扶得爭遣明公到此來

梁分宮女

滌蕩齊宮法令新分張宮女二千人
可憐無限如花貌重見世間桃李春

馬仙琕

齊朝太守不甘降忠節當時動四方
義士要教天下

見且留君住待袁昂

勅敵

博聞天子重儒才特為皇華綺宴開今日方驚遇勅敵此人元自北朝來

蔡搏

紫茄白莧以為珍守任清真轉更貧不飲吳興郡中水古今能有幾多人

楚祠

曾與蕭侯醉玉盃此時神影盡傾頽莫云千古無靈聖也向西川助敵來

謝朓小輿

小輿升殿掌鈞台不免無慘却憶回應恨被它何胤誤悔先容易出山來

八關齋

依憑金地甚虔誠忍溺空王為聖明內殿設齋申禱祝豈無功德及臺城

庾信

苦心詞賦向誰談淪落周朝志豈甘可惜多才庾開府一生惆悵憶江南

陳王僧辨

彼此英雄各有名石頭高卧擬爭衡當時堪笑王僧
辨待欲將心託聖明

武帝蚌盤

金翠絲簧略不舒蚌盤清宴意何如豈知三閣繁華
主解爲君王妙破除

虞居士

苦諫將軍總不知幾隨煙焰作塵飛東山居士何人
識唯有君王却許歸

姚察

曾佐徐陵向北遊剖陳疑事動名流却歸掌選清何

甚一疋花練不肯收

宣帝傷將卒

前後兵師戰勝回百餘城壘盡歸來當時將卒應知
感況得君王爲舉哀

臨春閣

臨春高閣上侵雲風起香飄數里聞自是君王正沉
醉豈知消息報隋軍

結綺閣

結綺高宜眺海涯上凌丹漢拂雲霞一千朱翠同居
此爭奈恩多屬麗華

望仙閣

多少沉檀結築成望仙爲號倚青冥不知孔氏何形
狀醉得君王不解醒

三閣

三閣相通綺宴開數千朱翠遶周回只知斷送君王
醉不道韓擒已到來

狎客

八宮妃盡賦篇章風揭歌聲錦繡香選得十人爲狎
客有誰能解諫君王

淮水

文物衣冠盡入秦六朝繁盛忽埃塵自從淮水乾枯
後不見王家更有人

江令宅

不向南朝立諫名舊居基在事分明令人惆悵江中
令只作篇章過一生

後庭舞

嫵婉回風態若飛麗華翹袖玉爲姿後庭一曲從教
舞舞破江山君未知

叙懷

張蠙二首

月裏路從何處上江邊身合幾時歸十年九陌寒風

夜夢掃蘆花絮客衣

題嘉陵驛

嘉陵路惡石和泥行到長亭日已西獨倚欄干正惆
悵海棠花裏鷓鴣啼

春夜二首

劉駕 五首

一別杜陵歸未期祇憑寃夢接親知近來欲睡兼難
睡夜夜夜深聞子規

幾歲兵戈阻路岐憶山一切與心違時難何處披衷
抱日日日斜空醉歸

鄴中感舊

頃年曾住此中來今日重游事可哀憶得幾家歡宴
處家家業盡成灰

曉登迎春閣

未櫛凭欄眺錦城煙籠萬井二江明香風滿閣花滿
樹樹樹樹梢啼曉鶯

白髭

到處逢人求至藥幾回染了又成絲素絲易染髭難
染墨翟當時合泣髭

獨坐吟

秦韜玉 二首

客愁不盡本如水草色含情更無已又覺春愁似草

生何人種在情田裏

奉和春日翫雪

北闕同雲掩曉霞東風春雪滿山家
瓊章定少千人
和銀樹長開六出花

和李秀才邊庭四時怨 盧弼四首

春

春衣昨夜到榆關故國煙花想已殘
少婦不知歸未
得朝朝應上望夫山

夏

盧龍塞外草初肥鴈乳平蕪曉不飛
鄉國近來音信

斷至今猶自着寒衣

秋

八月霜飛柳遍黃蓬根吹斷鴈南翔
隴頭流水關山
月泣上龍堆望故鄉

冬

朔風吹雪透刀瘢飲馬長城窟更寒
半夜火來知有
敵一時齊保賀蘭山

獨坐懷非煙

趙象

綠暗紅藏起暝煙獨將幽恨小庭前
沉沉良夜與誰
語星落銀河月半天

迴絨非煙

見說傷情爲見春想封蟬錦綠蛾嘖叩頭與報煙卿
道第一風流最損人

贈非煙

十洞三清雖路阻有心還得傍瑤臺瑞香風引思深
夜知是蕊宮仙馭來

萬首唐人絕句卷第六十

萬首唐人絕句卷第六十一

七言一百首

小遊僊詩九十八首

曹唐

玉簫金瑟發商聲桑葉枯乾海水清淨掃蓬萊山上
地略邀王母話長生

其二

上元元日豁明堂五帝望空拜玉皇萬樹琪花千圃
藥心知不敢輒形相

其三

騎龍重過玉溪頭紅葉還春碧水流省得壺中見天

地壺中天地不曾秋

其四

真王未許久從容
立在花前別甯封
手把玉簫頭不舉
自愁如醉倚黃龍

其五

金殿無人鎖絳煙
玉郎並不賞丹田
白龍蹀躞難廻
跋爭下紅綃碧玉鞭

其六

玄洲草木不知黃
甲子初開浩劫長
無限萬年年少女
手攀紅樹滿殘陽

其七

宮闕重重閉玉林
崑崙高闕采雲深
黃龍掉尾引郎
去使妾月明何處尋

其八

風滿塗山玉蕊稀
赤龍閒臥鶴東飛
紫梨爛盡無人
喫何事韓君去不歸

其九

武帝徒勞厭暮年
不曾清淨不精專
上元少女絕還
往滿竈丹成白玉煙

其十

百辟朝回閉玉除。露風清宴桂花疎。西歸使者騎金
虎。鞞鞞垂鞭唱步虛。

十一

南斗闌珊北斗稀。茅君夜著紫霞衣。朝騎白鹿趁朝
去。鳳押笙歌逐後飛。

十二

焚香獨自上天壇。桂樹風吹玉簡寒。長怕嵇康之僊
骨。與將僊籍再尋看。

十三

冰屋朱扉曉未開。誰將金策扣瓊臺。碧花紅尾小僊

未聞吠五雲。噴客來。

十四

酒釀春濃瓊草齊。真公欲散醉如泥。朱輪軋軋入雲
去。行到半天聞馬嘶。

十五

白石山中自有天。竹花藤葉隔溪煙。朝來洞口圍碁
了。賭得青龍直幾錢。

十六

海水西飛照柏林。青雲斜倚錦雲深。水風暗入古山
葉。吹斷步虛清磬音。

十七
玉詔新除沈侍郎。便分茅土鎮東方。不知今夕游何處。侍從皆騎白鳳凰。

十八
洞裏煙霞無歇時。洞中天地足金芝。月明明朗溪頭樹。白髮老人相對基。

十九
饑卽食霞悶卽行。一轂長嘯萬山青。穿花渡水來相訪。珍重多才阮步兵。

二十
東妃閒着翠霞裙。自領笙歌出五雲。清思密談誰第一。不過邀取小茅君。

二十一
月影悠悠秋樹明。露吹犀簟象牀輕。嬪妃久立帳門外。暗笑夫人推酒聲。

二十二
九天天路入雲長。燕使何由到上方。玉女暗來花下立。手接裙帶問昭玉。

二十三
玉皇賜妾紫衣裳。交向桃源嫁阮郎。爛煮瓊花勸君。

嘯。恐。君。毛。鬢。暗。成。霜。

二十四

花底休傾綠玉卮。雲中含笑向安期。窮陽有數不知
數。大是人間年少兒。

二十五

玉色雌龍金絡頭。真妃騎出縱間遊。崑崙山上桃花
底。一曲商歌天地秋。

二十六

閒來洞口訪劉君。緩步輕擡玉線裙。細拍桃花擲流
水。更無言語倚彤雲。

二十七

西漢夫人下太虛。九霞裙幅五雲輿。欲將碧字相教
示。自解盤囊出素書。

二十八

天上雞鳴海日紅。青腰侍女掃朱宮。洗花承葉瀘清
酒。待與夫人邀五翁。

二十九

汗漫真遊實可奇。人間天上與人知。周王不信長生
話。空使萇弘碧淚垂。

三十

青錦縫裳綠玉襦。滿身新帶五雲香。閒依碧海攀鸞
駕。笑就蘇君覓橘嘗。

三十一

鶴不西飛龍不行。露乾雲破洞簫清。少年僊子說閒
事。遙隔彩雲聞笑聲。

三十二

洞裏煙深木葉麤。乘風使者降玄都。隔花相見遙相
賀。擎出懷中赤玉符。

三十三

芝蕙芸花爛漫春。瑞香煙露濕衣巾。玉童私地誇書

札。偷寫雲瑤暗贈人。

三十四

天上邀來不肯來。人間雙鶴又空回。秦皇漢武死何
處。海畔紅桑花自開。

三十五

紫羽麾幢下玉京。却邀真母入三清。白龍久住渾相
戀。斜倚祥雲不肯行。

三十六

鶴叫風悲竹葉疎。誰來五嶺拜雲俱。人間肉馬無輕
步。踏破先生一卷書。

三十七

夜降西壇宴已終。花殘月榭霧朦朧。誰遊八海門前。過空洞一聲風雨中。

三十八

忘却教人鎖後宮。還丹失盡玉壺空。姮娥若不偷靈藥。爭得長生在月中。

三十九

陽谷先生下宴時。月光初冷紫瓊枝。淒清金石揭天地。事在世間人不知。

四十

共愛初平住九霄。焚香不出閉金華。白羊成隊難收拾。喫盡溪頭巨勝花。

四十一

酒盡香殘夜欲分。青童拜問紫陽君。月光悄悄笙歌遠。馬影龍聲歸五雲。

四十二

海樹靈風吹彩煙。丹陵朝客欲昇天。無央公子停鸞。纔笑泥嬌妃索玉鞭。

四十三

八景風回五鳳車。崑崙山上看桃花。若教使者沽春

酒須覓餘杭阿母家。

四十四

叔卿遍覽九天春。不見人間故舊人。怪得蓬萊山下水。半成沙土半成塵。

四十五

欲飲尊中雲母漿。月明花裏合笙簧。更教小柰將龍去。便向金壇取阮郎。

四十六

海上桃花千樹開。麻姑一去不知來。遼東老鶴應慵。更教探桑田便不回。

四十七

昨夜相邀宴杏壇。等閒乘醉走青鸞。紅雲塞路東風緊。吹破芙蓉碧玉冠。

四十八

雲鶴真真去不分。落花流水恨空存。不知玉女無期。信道與留門却閉門。

四十九

采女平明受事回。暗交丹契錦囊開。欲書密詔防人見。佯喝青虬使莫來。

五十

太一元君昨夜過碧雲高髻縮婆娑手擡玉策紅於
火敲斷金鸞使唱歌

五十一

碧瓦彤軒月殿開。九天花落瑞風來。玉皇欲著紅龍
袞。親喚金妃下手裁。

五十二

長房自貴解飛翻。五色雲中獨閉門。看却桑田欲成
海。不知還往幾人存。

五十三

赤龍停步彩雲飛。共道真王海上歸。千歲紅桃香破

真玉盤盛出與金妃

五十四

碧海靈童夜到時。徒勞相喚上瓊池。因循天子能閑
事。縱與青龍不解騎。

五十五

且欲留君飲桂漿。九天無事莫推忙。青龍舉步行千
里。休道蓬萊歸路長。

五十六

侍女親擎玉酒卮。滿卮傾酒勸安期。等閒相別三千
歲。長憶水邊分棗時。

五十七

萬歲蛾眉不解愁。旋彈清瑟旋閒遊。忽聞下界笙簫曲。斜倚紅鸞笑不休。

五十八

去住樓臺一任風。十三天洞暗相通。行厨侍女炊何物。滿竈無煙玉炭紅。

五十九

風動閒天清桂陰。水精簾外冷沉沉。西妃少女多春思。斜倚彤雲盡日吟。

六十

王母相留不放回。偶然沉醉臥瑤臺。憑君與向蕭郎道。教着青龍取妾來。

六十一

絳節笙歌繞殿飛。紫皇欲到五雲歸。細腰侍女瑤花外。爭向紅房報玉妃。

六十二

聞君新領八霞司。此別相逢是幾時。妾有一觥雲母酒。請君終宴莫推辭。

六十三

方士飛軒駐碧霞。酒香風冷月初斜。不知誰唱歸春

曲落盡溪頭白玉花。

六十四

方朔朝來到我家。欲將靈樹出丹霞。三千年後知誰在。擬種紅桃待放花。

六十五

水滿桑田白日沉。凍雲乾霰濕重陰。遼東歸客閒相過。因話堯年雪更深。

六十六

朝回相引看紅鸞。不覺風吹鶴筆偏。好是興來騎白鶴。文妃爲伴上重天。

六十七

公子閒吟八景文。花南拜別上陽君。金鞭遙指玉清路。龍影馬嘶歸五雲。

六十八

一百年中是一春。不教日月輒移輪。金黿頭上蓬萊殿。唯有人間鍊骨人。

六十九

笑擎雲液紫瑤觥。共請雲和碧玉笙。花下偶然吹一曲。人間因識董雙成。

七十

東皇長女沒多年。從洗金芝到水邊。無事伴他棊一局。等閒輸却賣花錢。

七十一

紅草青林日半斜。閒乘小鳳出彤霞。路尋故舊過西谷。因得冰園一尺瓜。

七十二

樹下星沉月欲高。前溪水影濕龍毛。洞天雲冷玉花發。公子盡披雙錦袍。

七十三

紫水風吹劔樹寒。水邊年少下紅鸞。未知百一窮陽

數略請先生止的看

七十四

武皇含笑把金觥。更請霓裳一兩聲。護帳宮人最年少。舞腰時挈繡裙輕。

七十五

瓊樹扶疎壓瑞煙。玉皇朝客滿花前。東風小飲人皆醉。短尾青龍枕水眠。

七十六

彤閣鐘鳴碧鷺飛。皇君催慰紫霞衣。丹房玉女心慵甚。貪看投壺不肯歸。

七十七

崑崙山上自雞啼羽客爭昇碧玉梯因駕五龍看較
藝白鸞功用不如妻

七十八

沙野先生閉玉虛焚香夜寫紫微書供承童子間無
事教坐瓊花餵白驢

七十九

雲籠瓊花滿地香碧沙紅水遍朱堂外人欲壓長生
籍拜請飛瓊報玉皇

八十

玉洞長春風景鮮丈人私宴就芝田笙歌暫向花間
盡便是人間一萬年

八十一

青童傳語便須回報道麻姑玉藥開滄海成塵老閒
事且乘龍鶴看花來

八十二

絳樹彤雲戶半開守花童子怪人來青牛臥地喫瓊
草知道先生朝未回

八十三

石洞沙溪二十年向明杭日夜朝天白礬煙盡水銀

冷不覺小龍牀下眠

八十四

紫微深鎖敞丹軒。太帝親談不死門。從此百寮俱拜後。走龍鞭虎下崑崙。

八十五

雲衫玉帶好威儀。三洞真人入奏時。頻着金鞭打龍角。爲嗔西去上天遲。

八十六

太子真娥相領行。當天合曲玉簫清。梨花新折東風軟。猶在綵山樂笑聲。

八十七

洞裏月明瓊樹風。畫簾青室影朦朧。香殘酒冷玉妃睡。不覺七真歸海中。

八十八

青苑紅堂壓瑞雲。月明閒宴九陽君。不知昨夜誰先醉。書破明霞八幅裙。

八十九

東溟兩度作塵飛。一萬年來會面稀。千樹梨花百壺酒。共君論飲莫論詩。

九十

滄海令拋卽未能且綠鸞鶴立相仍蔡家新婦莫嫌
少領取真珠三五升

九十一

溪影沉沙樹影清人家皆踏五音行可憐三十六天
路星月滿空瓊草青

九十二

北斗西風吹白榆穆公相笑夜投壺花前玉女來相
問賭得青龍許贖無

九十三

九天王母皺蛾眉惆悵無言倚桂枝悔不長留穆天

子任將妻妾住瑤池

九十四

暫隨鳧伯縱閒遊飲鹿因過翠水頭宮殿寂寥人不
見碧花菱角滿潭秋

九十五

新授金書八素章玉皇教妾主扶桑與君一別三千
歲却厭僊家日月長

九十六

八海風涼水影高上卿教製赤霜袍蛟絲玉線難裁
割須借玉妃金剪刀

九十七

海上風來吹杏枝崑崙山上看花時紅龍錦襜黃金
勒不是元君不得騎

九十八

絳闕夫人下北方如細環清珮響丁當攀花笑入春風
裏偷折紅桃寄阮郎

放猿

吉師老二首

放爾千山萬里身野泉晴樹好為鄰啼時莫近瀟湘
岸明月孤舟有旅人

鴛鴦

江島濛濛煙靄微綠蕪深處刷毛衣渡頭驚起一雙
去飛上文君舊錦機

萬首唐人絕句卷第六十一

唐人絕句卷第六十一

不虞

七

萬首唐人絕句卷第六十二

雜言七言一百首

送日本僧歸

韋莊七十八首

扶桑已在渺茫中家在扶桑東更東此去與師誰共
到一船明月一帆風

對酒

何用巖棲隱姓名一壺春醉可忘形伯倫若有長生
術應到如今醉未醒

舊里

滿目牆垣春草深傷時傷事更傷心車輪馬跡一時

盡十二玉樓何處尋

春愁

自有春愁正斷魂不堪芳草思王孫
落花寂寂黃昏雨深院無人獨倚門

鄜州寒食城外醉吟五首

滿街楊柳綠絲煙畫出青春二月天
好是隔簾花樹動女郎撩亂送鞦韆
雕陰寒食足遊人金鳳羅衣濕麝熏
腸斷入城芳草路淡紅香白一羣羣

開元坡下日初斜拜掃歸來走鈿車
可惜數枝紅艷好不知今夜落誰家

馬驕風疾玉鞭長過去唯留一陣香
閒客不須燒破眼好花皆屬富家郎

雨絲煙柳欲清明金屋人閒暖鳳笙
永晝迢迢無一事隔街聞築氣毬聲

搖落

搖落秋天酒易醒悽悽長是別離情
黃昏倚柱不歸去腸斷綠荷風雨聲

令狐亭

若非天上神仙宅須是人間將相家
想得當時好風

月管弦吹殺後庭花

江上別李秀才二首

千山紅樹萬山雲把酒相看日又曛
一曲離歌兩行淚更知何地再逢君
前年相送灞陵春今日天涯各避秦
莫向尊前惜沉醉與君俱是異鄉人

語松竹

庭前芳草綠如袍堂上詩人欲二毛
多病不禁秋寂寞雨風松竹暮騷騷

姬人養蠶

昔年愛笑蠶家婦今日辛勤自養蠶
仍道不愁羅綺女郎初解織桑籃

東陽酒家贈別二首

送君同上酒家樓酩酊翻成一笑休
正是落花饒悵望醉鄉前路莫回頭
天涯方歎異鄉身又向天涯別故人
明日五更孤店月醉醒何處各沾巾

長干塘別徐茂才

亂離時節別離輕別酒應須滿滿傾
纔喜相逢又相送有情爭得似無情

江行西望

西望長安白日遙
半年無事駐蘭橈
欲將張翰松江
雨畫作屏風寄鮑昭

驚秋

不向煙波狎釣舟
強將文墨事儒丘
長安十二槐花
陌曾負秋風多少秋

離筵訴酒

感君情重惜分離
送我殷勤酒滿卮
不是不能判酌
酹却憂前路醉醒時

題盧拾遺莊

主父西游去不歸
滿溪春雨長春薇
怪來馬上詩情
好點破青山白鷺飛

白牡丹

閨中莫妬新粧婦
陌上須慚傅粉郎
昨夜月明渾似
水入門唯覺一庭香

題許渾詩卷

江南才子許渾詩
字字清新句句奇
十斛明珠量不
盡惠休虛作碧雲詞

贈禮佛名者

何用辛勤禮佛名
我從無事到真庭
尋思六祖傳心

印可是從來讀藏經

解維

又解征帆落照中暮程還過秣陵東三年辛苦煙波裏贏得風姿似釣翁

雨霽池上作

鹿巾藜杖葛衣輕雨歇池邊晚吹清正是今時江上好白鱗紅稻紫蓴羹

古離別二首

晴煙漠漠柳毵毵不那離情酒半酣更把馬鞭雲外指斷腸春色在江南

一生風月供惆悵到處煙花恨別離止竟多情何處好少年長抱長年悲

江亭酒醒

別筵人散酒初醒江岸黃昏雨雪零滿座綺羅皆不見覺來紅燭背銀屏

棹亭驛小桃花

當年此樹正花開五馬僊郎載酒來李白已亡工部死何人空伴玉山積

憫耕者

何代何王不戰爭盡從離亂見清平如今暴骨多於

土猶點鄉兵作戍兵

含山店夢覺作

曾是流離慣別家等閒揮杖各天涯燈前一夢江南
覺惆悵起來山月斜

壺關道中作

處處兵戈路不通却從山北去江東黃昏欲到壺關
寨疋馬寒嘶野草中

金陵圖二首

誰爲傷心畫不成畫人心逐世人情君看六幅南朝
事老木寒雲滿故城

江雨霏霏江草齊六朝如夢鳥空啼無情最是臺城
柳依舊煙籠十里堤

送人遊并汾

風雨蕭蕭欲暮秋獨攜孤劍塞垣遊如今虜騎方南
牧莫過陰關第一州

江外思歸

年年春日異鄉悲社曲黃鶯可得知更被夕陽江岸
上斷腸煙柳一絲絲

夢入關

夢中乘傳過關亭南望蓮峰簇簇青馬上正吟歸去

好覺來江月滿前江

送人歸上國

送君江上日西斜
泣向江邊滿樹花
若見青雲舊相識
爲言流落在天涯

聞春鳥

雨時春鳥滿江村
還是長安舊日聞
紅杏花前應笑我
我今憔悴亦羞君

獨鶴

夕陽灘上立徘徊
紅蓼風前雪翅開
應爲不知棲宿處
幾回飛去又飛來

新栽竹

寂寞堦前種此君
遶欄吟罷却沾巾
異鄉流落誰相識
唯有叢篁伴主人

題酒家

酒綠花紅客愛詩
落花春岸酒家旗
尋思避世爲逋客
不醉長醒也是癡

殘花二首

和煙和雨雪離披
金蕊紅鬚尚滿枝
十日笙歌一宵夢
夢中羅煙雨失西施

江頭沉醉泥斜暉
却向花前慟哭歸
惆悵一年春又

去碧雲芳草兩依依

稻田

浪波春稻滿前陂極目連雲肥稔肥更被鷺鷥千點
白披煙來入畫屏飛

燕來

去歲辭巢別近鄰今來空訝草堂新花間對語應相
問不是村中舊主人

倚柴扉

策杖無言獨倚關如癡如醉又如閒孤吟盡日何人
會依約前山似故山

七步廊

杜門無計奈殘陽更接簷前七步廊不羨東都丞相
宅每行吟得好文章

寄舍弟

每吟富貴他人合不覺沈瀾又濕衣萬里日邊鄉樹
遠何年何路得同歸

僕者楊金

半年辛苦葺荒居不獨單寒腹亦虛努力且為田舍
客他年為爾覓金魚

春陌二首

滿街芳草卓香車
僊子門前白日斜
腸斷東風各回首
一枝春雪凍梅花

嫩煙輕染柳絲黃
勾引花枝笑凭牆
馬上王孫莫回首
好風偏逐羽林郎

中酒

南鄰酒熟愛相招
蘸甲傾來綠滿瓢
一醉不知三日事
任他童穉作漁樵

暴雨

江村入夏多雷雨
曉作狂霖晚又晴
波浪不知深幾許
南湖今與北湖平

晏起

爾來中酒起常遲
臥看南山改舊詩
開戶日高春寂寂
數聲啼鳥上花枝

幽居春思

綠映紅藏江上村
一聲雞犬似山源
閉門盡日無人到
翠羽春禽滿樹喧

思歸引

越鳥南翔鴈北飛
兩鄉雲路各言歸
如何我是飄飄者
獨向江頭戀釣磯

與小女

見人初解語嘔啞不肯歸眠戀小車一夜嬌啼綠底
事爲嫌衣少縷金華

虎跡

白額頻頻夜到門水邊蹤跡漸成羣我今避世棲巖
穴巖穴如何又見君

買酒不得

停樽待爾怪來遲手挈空餅耗歸滿面春愁消不
得更看溪鷺寂寥飛

得故人書

正向溪頭自采蘇青雲忽得故人書殷勤問我歸來

否雙闕而今畫不如

洪州送僧遊福建

八月風波似鼓鼙可堪波上各東西殷勤早作歸來
計莫戀猿聲住建溪

聞回戈軍

上將麈尾又去旋翠華巡幸已三年營中不用栽楊
柳願戴儒冠爲控弦

南鄰公子

南鄰公子夜歸聲數炬銀燈隔竹明醉凭馬鬣扶不
起更邀紅袖出門迎

贈野僧

羨爾無知野性真，亂搔蓬鬢笑看人。
閒衝暮雨騎牛去，肯問中興社稷臣。

傷富民犯酒沒產

自此改法不入財產

誰氏園林一簇煙，路人遙指盡長歎。
桑林稻澤今無主，新犯香醪沒入官。

感羣兒戲為陣

已聞三世歿軍營，又見兒孫學戰爭。
見爾此言堪慟哭，遣予何日望時平。

尋李書記不遇

白雲紅樹繞琅東，夕鳥羣飛古道中。
僊吏不知何處隱，山南山北雨濛濛。

題貂黃嶺官亭

散騎蕭蕭下太忙，遠從吳會去陳倉。
斜風細雨江亭上，盡日凭欄獨望鄉。

題櫻桃樹

記得初開雪滿枝，和蜂和蝶帶花移。
而今花落遊蜂去，空作主人惆悵詩。

庭前菊

為憶長安爛漫開，我今移爾滿庭栽。
紅蘭莫笑青青

色曾向龍山泛酒來

憶小女銀娘

睦州江上水門西
蕩槳揚帆各解攜
今日天涯夜深坐
斷腸偏憶阿銀犁

女僕阿汪

念爾辛勤歲已深
亂離相失又相尋
他年待我門如市
報爾千金與萬金

河清縣河亭

由來多感莫憑高
竟日衷腸似有刀
人事任成陵與谷
大河東去自滔滔

鍾陵夜闌作

鍾陵風雪夜將深
坐對寒江獨苦吟
流落天涯誰見問
少卿應識子卿心

宿蓬船

夜來江雨宿蓬船
臥聽淋泠不忍眠
却憶紫微清調逸
阻風中酒過年年

和工部楊尚書重送

姚鵠一首

桂枝攀得獻庭闈
何似空懷楚橘歸
好控扶搖早回首
人人思看大鵬飛

宮詞

長孫翺一首

一道甘泉接御溝上皇行處不曾秋誰言水是無情物也到宮前咽不流

題越王臺

越井岡頭松柏老越王臺上生秋草古墓多年無子孫牛羊踏踐成官道

十二月樂詞

李賀一首

日脚澹光紅灑灑薄霜不消桂枝下依稀和氣解冬嚴已就長月辭長夜

江上得芙蓉

崔希舟一首

物觸輕舟心自知風恬煙靜月光微夜深江上解愁

思拾得紅葉香惹衣

贈韋氏女

鄭德璘三首

纖手垂鉤對水窻紅葉秋色艷長江既能解珮投交甫更有明珠乞一雙

弔江姝二首

湖面征帆且莫吹浪花初綻月光輝沉潛暗想橫波淚得共鮫人相對垂

洞庭風軟荻花秋新沒青娥細浪愁淚滴白蘋君不見月明江上有輕鷗

譏張延賞

郭圓一首

宣父從周又過秦昔賢誰少出風塵當時亦訝張延
賞不識韋臯是貴人

詠王大娘戴竿

劉晏一首

樓前百戲競爭新唯有長竿妙入神誰謂綺羅翻有
力猶自嫌輕更着人

舉子騎驢

無名子三首

今年救下盡騎驢短胄長鞦徧九衢清瘦兒郎猶自
可就中愁殺鄭昌圖

題西明院房

姚家新壻是房郎未解芳顏意欲狂見說正調穿羽

箭莫教射破寺家牆

詠李逢吉取寒素

元和天子丙申年三十三人同得僊袍似爛銀文似
錦相將白日上青天

戲周顛

浙西從事一首

龍津掉尾十年勞聲價當時鬪月高唯有紅粧回舞
手似持雙刃向猿猱

荅從事

周顛一首

十載文場敢憚勞宋都回鷁爲風高今朝甘被花枝
笑任道尊前愛縛猱

嘲郭凝素

朱澤 一首

三春桃李本無言苦被殘陽鳥雀喧借問東鄰効西子何如郭素擬王軒

譏張濬閱牡丹

伶人 二首

位乖爽理致傷殘四面牆垣不忍看正是花時堪下淚相公何必更追歡

織錦人吟

學織繚綾功未多亂拈機杼錯拋梭莫教官錦行家見把此文章笑殺他

戲狀元崔昭緯

張署 一首

千里江山陪驥尾五更風水失龍鱗昨夜浣花溪上雨綠楊芳草為何人

嘲陸暢

元和內人 一首

十二層樓倚翠空鳳鸞相對並梧桐雙成走報監門衛莫使吳歛入漢宮

解嘲

陸暢 一首

粉面僊郎選聖朝偶逢秦女學吹簫須教翡翠聞王母不柰烏鳶噪鵲橋

題牡丹

蒼頭捧劍 一首

一種芳菲出後庭却輸桃李得佳名誰能為向天人

說從此移根近太清

萬首唐人絕句卷第六十二

萬首唐人絕句卷第六十三

七言一百首

東林寺寄包侍郎

靈澈 三首

古殿清陰山木春
池邊跂石一觀身
誰能來此焚香坐
共作鑪峰二十人

荅徐廣州四問

童子出家無第行
隨師乞食遣稱名
長沙豈敢論年幾
絳老唯知甲子生

荅韋丹

年老心閒無外事
麻衣草座亦終身
相逢盡道休官

却林下何曾見一人

荅胡處士

皎然 五十首

西山禪隱比來聞長道唯應我與君書上無名心忘却人間聚散似浮雲

荅張烏程

莫道謫官無主人秣陵才今日相親前溪更有忘憂處荷葉田田間白蘋

酬張明府

愛君詩思動禪心使我休吟待鶴吟更說郡中黃霸在朝朝無事許招尋

酬祁判官

歲歲湖南隱已成如何星使忽知名沙鷗慣逐無心客今日逢君不解驚

舟行懷閩士和

二月湖南春草徧橫山渡口花如霰相思一日在孤舟空見歸雲兩三片

寄雲門寺梵僧

越山千萬雲門絕高僧貌古還明月清朝掃石行道歸林下眠禪看松雪

戲呈吳憑

世人不知心是道只言道在他方妙還如瞽者望長
安長安在西向東笑

李中丞水亭夜集

佳人且莫吹參差正憐月色生酒卮山翁取醉豈關
我自愛尊前白鷺鷥

夜過康錄事宅會兄弟

愛君門館夜來清瓊樹雙枝是弟兄月在詩家偏足
思風過客位更多情

酬秦系戲贈二首

正論禪寂忽狂歌莫是塵心顛倒多白足行花曾不

染言囊貯酒欲如何

雲林出定鳥未歸松吹時飄雨沐衣石語花悲徒自
詫吾心見境盡爲非

題秦系麗句亭

獨將詩教領諸生但愛青山不愛名滿院竹聲堪愈
疾亂林花片足忘情

題湖上草堂

山居不買剡中山湖上千峰處處閒芳草白雲留我
住世人何事得相關

送顧道士遊洞庭山

見說洞庭無上路春遊亂踏五靈芝
含桃風起花狼籍正是僊翁棊散時

青陽上人院說金陵故事

君說南朝全盛日秣陵才子最多人
十年秋色古池館誰見齊王西邸春

江上人禪居

路入松聲遠更奇山光水色共參差
中峰禪寂一僧在坐對梁朝老桂枝

題松

爲愛松聲聽不足每逢松樹便忘還
脩然此外更何

事笑向閒雲似我閒

送侯秀才南遊

芳草隨君自有情不關山色與猿聲
爲看嚴子灘頭石曾憶題詩不著名

送韋向之睦州謁使君

才子南看多遠情閒舟蕩漾任春行
新安江色長如此何似新安太守清

九月八日送蕭少府歸洪州

明日重陽今日歸布帆絲雨暮霏霏
行過鶴渚知堪住家在龍沙意有違

送皇甫曾侍御

維舟若許暫從容
送過重江不厭重
霜簡別來今始見
雪山歸去又難逢

聽胡笳送人

一奏胡笳客未停
野僧還欲廢禪聽
難將此意臨江別
無限春風葭莢青

江上送梁拾遺

江上荻花飛雪花
風吹撩亂滿袈裟
如今歲晏無芳草
獨對離樽作物華

送僧遊宣城

楚山千里一僧行
念爾初緣道未成
莫向舒姑泉口泊
此時嗚咽易傷情

送履上人還金陵

攜錫西山步綠莎
禪心未了柰情何
湘宮水寺清秋夜
月落風悲松柏多

送聰上人還廣陵

莫學休公學遠公
了心還與我心同
隋家古柳數株在
看取人間萬事空

送洞庭惟諒上人

白雲關我不關他
此物留君情最多
憶着春風生橘

樹歸心不怕洞庭波

送太祝姪之虔吉訪兄

阮咸別曲四座愁賴是春風不是秋漫漫江帆訪兄
弟猿聲幾夜宿蘆洲

冬夜送人

平明走馬上村橋花落梅溪雪未消日短天寒愁送
客楚山無限路迢迢

送巖上人

初到人間柳始陰山書昨夜報春深朝朝花落幾株
樹惱殺禪翁未證心

送僧之揚州

平明環錫向風輕正及隋堤柳色行知爾禪心還似
我故宮春草肯傷情

送李繹

斜日悠揚在柳絲孤亭寂寂水逶迤誰堪別後行人
盡唯有春風起路岐

送僧之京師

綿綿眇眇楚雲繁萬里西歸望國門禪子初心易悽
斷秋風莫上少陵原

送許丞還洛陽

刻茗情來亦好斟空門一別肯沾襟悲風不動罷瑤
軫忘却洛陽歸客心

送別

聞說情人怨別情霜天浙瀝在寒城長宵漫漫角聲
發禪子無心恨亦生

送裴參軍還下邳舊居

北望煙霄驃騎營虜烽無火楚天清此時千里思歸
客泗上春風得返耕

送僧歸富陽

悠悠渺渺涉寒波故寺思歸意若何長憶孤舟三二

月春山偏賞富陽多

送僧歸洞庭

從來湖上勝人間遠愛浮雲獨自還孤月空天見心
地寥寥三境水中山

送商季臯

比來知爾有詩名莫恨東歸學未成新豐有酒爲我
飲消取故園傷別情

送邢台州

海上名山屬使君石橋琪樹古來聞他時畫出白團
扇乞取天台一片雲

送柳蔡省叔

東城南陌強經過，怨別無心亦放歌。
明日阮公應問我，閒雲長在石門多。

赤松澗

綠岸朦朧出見天，晴沙歷歷水濺濺。
何處羽人長洗藥，殘花無數逐流泉。

晚秋破山寺

秋風落葉滿空山，古寺殘燈石壁間。
昔日經行人去盡，寒雲夜夜自飛還。

釋裴脩春愁

蝶舞鶯歌喜歲芳，柳絲裊裊蕙蘭香。
江南春色共君看，何事君心獨自傷。

長安少年行

翠樓春酒蝦蟆陵，長安少年皆共矜。
紛紛半醉綠槐道，蹀躞花驄驕不勝。

春夜集陸處士居

欲賞芳菲不待晨，無情人訪有情人。
西林豈是無清景，祇爲忘情不記春。

王昭君

自倚嬋娟望主恩，誰知美惡忽相翻。
黃金不買漢宮

貌青塚空埋秦地魂

銅雀妓

強開尊酒向陵看憶得君王舊日歡不覺餘歌悲自斷非關艷曲轉聲難

長門怨

春風日日閉長門搖蕩春心似夢魂若遣花開只笑妾不知桃李自無言

投知己

若爲令憶洞庭春上有閒雲可隱身無限白雲山要買不知山價出何人

塞下曲二首

寒塞無因見落梅胡人吹入笛聲哀勞勞亭上春應度夜夜城南戰未回
都護今年破武威胡沙萬里鳥空飛旌竿瀚海掃雲出羶騎天山踏雪歸

送蜀僧

清塞六首

萬里獨行無弟子唯賣筇竹與檀龕看經更向吳中老應是山川似劔南

送僧歸南嶽二首

草履初登南客船銅瓶猶貯北山泉衡陽舊寺秋歸

去門鎖寒潭幾樹蟬

衡陽一別十三春行脚同來有幾人老大却思歸故里當時未漆祖師身

過僧竹院

一生愛竹自未有每到此房歸不能高人留宿話禪後寂寞雨堂空曉燈

宿劉員外林亭

獨樹倚亭新月入城牆裏面鎖山多去年今夜還留宿坐見西風裏燕窠

憶潯陽舊居兼感長孫郎中

潯陽却到知何日此地今無舊使君長憶窮冬宿廬嶽瀑泉冰折共僧聞

雨後欲尋天目山 靈一 一首

昨夜雲生天井東春山一雨幾回風林花併逐溪流下欲上龍池通不通

看金陵圖

齊己 三十首

六朝圖畫戰爭多最是陳宮計數訛若愛蒼生似歌舞隋皇自合耻干戈

寄南嶽秦禪師

江頭默想坐禪峰白石山前萬丈空山下獵人應不

到雪深花鹿在菴中

片雲

水底分明天上雲可憐形影似吾身何妨舒作從龍
勢一雨吹消萬里塵

寄清溪道者

萬重千疊紅霞嶂夜燭朝香白石龕常寄溪窻凭危
檻看經影落古龍潭

送胎髮筆寄仁公

內唯胎髮內秋毫綠玉新裁管束牢老病手疼無那
爾却資年少寫風騷

偶作寄王祕書

七絲湘水秋深夜五字河橋日暮時借問祕書郎此
意靜彈高詠有誰知

謝惠紙

烘焙幾工成曉雪輕明百幅疊春冰何消才子題詩
外分與能書貝葉僧

荅文勝大師

纔把文章干聖主便承恩澤換禪衣應嫌六祖空傳
衲只向曹溪永息機

寄懷文英大師

著紫袈裟名已貴吟紅茵苜蓿價兼高秋風曾憶相留
處門對平湖滿白濤

懷道林

四絕堂前萬木秋碧參差影壓湘流閒思宋杜題詩
板一上凭欄到夜休

辭主人四首

放鶴

華亭又復去芝田丹頂霜毛性可憐縱與乘軒終誤
主不如還放却遼天

放猿

琪憶春雲十二峰野桃山杏摘香紅王孫可念愁金
鎖縱放斷腸明月中

放鷺鷥

白蘋紅蓼碧江涯日暖雙雙立睡時願揭金籠放歸
去却隨沙鶴鬪輕絲

放鸚鵡

隴西蒼巘結巢高本爲無人識翠毛今日籠中強言
語乞歸天外啄含桃

城中懷山友

春城來往桃李碧暖艷紅香斷消息五侯自有山中

鄰白晝真心坐嵐壁

送人往長沙

荆門歸路指湖南千里風帆興可諧好聽鷓鴣啼雨
處木蘭舟晚泊春潭

偶題

時事嬾言多忌諱野吟無主苦縱橫君看三百篇章
首何處分明著姓名

贈琴客

曾攜五老峰前過幾向雙松石上彈此境此聲誰更
愛掀天羯鼓滿長安

勉吟僧

萬途萬轍亂真源白晝勞形夜斷魂忍着袈裟把名
紙學他低折五侯門

夏日城中作二首

三面僧鄰一面牆更無風路可吹涼他年捨此歸何
處青壁紅霞裏石房

竹低莎淺雨濛濛小檻幽窻暑月中有境牽懷人不
會東林門外翠橫空

默坐

燈引飛蛾拂焰迷露淋棲鶴壓枝低真心坐睡蒲團

穩夢到天台過剡溪

水邊行

身着袈裟手杖藤水邊行止不妨僧禽棲日落猶孤
立隔浪秋山千萬層

翡翠

水邊飛去青難辨竹裏歸來色一般磨吻鷹鷂莫相
害白鷗鴻鶴滿沙灘

送藏休上人二首

事遂鼎湖遺劍履時來渭水擲魚竿欲知賢聖存亡
道自向心機反覆看

一枝霜雪未霑頭予遣藏休肯便休學盡世間難學
事始堪隨處任虛舟

幽齋

幽院纔容箇小庭踈篁低短不堪情春來猶賴鄰僧
樹時引流鶯送好聲

贈念法華經僧

萬境心隨一念平紅芙蓉坼愛河清持經功力能如
是任駕白牛安穩行

對菊

無艷無妖別有香栽多不爲待重陽莫嫌醒眼相看

過却是真心愛澹黃

送惠空北遊

君向峴陽遊聖境我將何事託多才
丁寧墮淚碑前過寫取斯文寄我來

寄懷歸州馬判官

三年爲倅興何長高臥應多事少忙
又見秋風霜裊樹滿山椒熟水雲香

觀荷葉露珠

霏微曉露成珠顆宛轉田田未有風
任器方圓性終在不妨翻覆落池中

苦熱中懷玉泉寺

火雲如燒接蒼梧原野煙連大澤枯
漫費葛衫葵扇力爭禁泉石潤肌膚

折楊柳詞四首

鳳樓高映綠陰陰凝重多含雨露深
莫謂一枝柔軟力幾曾牽破別離心

館娃宮畔響廊前依託吳王養翠煙
劒去國亡臺榭毀却隨紅樹噪秋蟬

穠低似中陶潛酒軟極如傷宋玉風
多謝將軍繞營種翠中間卓戰旗紅

高僧愛此遮江寺遊子傷殘露野橋爭似着行垂上苑碧桃紅杏對搖搖

荅長沙丁秀才書

月月便車奔帝闕年年貢士過荆臺如何三度槐花落未見故人攜卷來

萬首唐人絕句卷第六十三

萬首唐人絕句卷第六十四

七言一百首

蟬二首

子蘭十三首

獨蟬初唱古槐枝委曲悲涼斷續遲雨後忽聞誰最苦異鄉孤館憶家時

衰柳蟬吟旁濁河正當殘日角聲和尋常不足少愁思此際聞時愁更多

太平坊尋裴郎中故宅

不語淒涼無限情荒堦行盡又重行昔年此住何人在滿地槐花秋草生

登樓

邊邑鴻聲一例秋
大波平日遶山流
故人千里同明月
盡夕無言空倚樓

長安早秋

風舞槐花落御溝
終南山色入城秋
門門走馬徵兵急
公子笙歌醉玉樓

對雪

密密無聲墜碧空
霏霏有韻舞微風
幽人吟望樓前處
飄入窓來落硯中

鸚鵡

翠毛丹觜乍教時
終日無憐似憶歸
近來偷解人言語
亂向金籠說是非

晚景

池荷衰颯菊芬芳
策杖吟詩上草堂
滿目暮雲風卷盡
郡樓寒角數聲長

長安傷春

霜隕中春花半無
狂遊恣飲盡兇徒
年年賞翫公卿輩
今委溝塍骨漸枯

河梁晚望二首

水勢滔滔不可量
漁舟容易泛滄浪
連山翠靄籠沙

淑白鳥翩翩下夕陽
雨添一夜秋濤濶極目茫茫似接天不知龍物潛何處魚躍蛙鳴滿檻前

悲長安

何事天時禍未回生靈愁悴若寒灰豈知萬頃繁華地強半今爲瓦礫堆

千葉石榴花

一朵花開千葉紅開時又不藉春風若教移在香閨畔定與佳人艷態同

端午

文秀一首

節分端午自誰言萬古傳聞爲屈原堪笑楚江空渺渺不能洗得直臣冤

寒食至郊外

雲表一首

寒食悲看郭外春野田無處不傷神平原累累添新塚半是去年來哭人

秋夜吟

尚顏一首

梧桐雨畔夜愁吟斗數衣從蘚色侵枉道一生無繫着湘南山水別人尋

行次漢上

無本二首

習家池沼草萋萋嵐樹光中信馬蹄漢主廟前湘水

碧一聲風角夕陽低

馬嵬

長川幾處樹青青孤驛危樓對翠屏
一自玉皇惆悵後至今來往馬蹄腥

送友人之上都

法震 一首

玉帛招賢楚客稀猿啼相送武陵歸
湖頭望入桃花去一片春帆帶雨飛

夜夜曲

貫休 三十首

蟋蟀切切風騷騷芙蓉噴香蟾蜍高
孤燈耿耿征婦勞更深撲落金錯刀

少年行

錦衣鮮華手擎鵲閒行氣貌多輕忽
稼穡艱難總不知五帝三王是何物

春晚書山家主人屋壁

柴門寂寂黍飯馨山家煙火春雨晴
庭花濛濛水泠泠小兒啼索樹上鶯

深山逢老僧

衲衣線麤心似月自把鋤鋤崗楮
青石溪邊踏葉行數片雲隨兩眉雪

邊上作二首

山無綠兮水無清風既毒兮沙亦腥胡兒走馬疾飛
鳥聯翩射落雲中聲
陣雲忽向沙中起探得胡兵過遼水堪嗟護塞征戍
兒未戰已疑身是鬼

將入廬山別僧二首

噴嵐堆黛塞寒碧窻前古雪如白石臨岐約我來不
來若來須撥紅霞覓
紅豆樹間滴紅雨戀師不得依師住世情世界愁殺
人錦繡谷中歸舍去

宿深村

行行一宿深村裏雞犬豐年鬧如市黃昏見客舍家
喜月下取魚肩塘水

別僊客

巨鼇頭縮翻僊翠蟠桃爛落珊瑚地浪濺霓旌濕鵬
翅略別千年太容易

樵叟

樵父貌饑帶風雨自言一生苦寒暑檐頭擔箇赤瓷
甕斜陽獨入濛朧塢

馬上作

柳岸花堤夕照紅風清襟袖響瓊瓏行人莫訝頻回

首家在凝嵐一點中

終南僧

聲利掀天竟不聞
草衣木食度朝昏
遙思山雪深一丈
時有僊人來打門

乞食老僧

赤椶欄笠眉毫垂
拄柳栗杖行遲遲
時人只施盂中飯
心似白蓮那得知

秋歸東陽臨岐上三衢杜使君六首

小謝清高大謝才
聖君令泰此方來
一從到後長無事
鈴閣公庭滿綠苔

紅錦帳中歌白雪
烏皮几畔撫青英
不知何物爲心地
蹇却澄江徹底清

誰報田中有黑蟲
一家齋戒減僊容
分憂若也皆如此
天下家家有剩春

憂民心切出衝炎
禾稼如雲喜氣兼
林下閒人亦何幸
也隨旌旆到銀尖

枯骨縱橫遍水湄
盡收爲冢碧參差
分明爲報精靈輩
好送旌旆到鳳池

捨魯依劉一片雲
好風吹去遠纖塵
猶期明月清風夜
來作西園第八人

再遊東林寺三首

臺殿參差聳瑞煙，桂花飄雪水潺潺。莫疑遠去無消息，七萬餘年始半年。

宣玄舊輦殘雲濕，耶舍孤墳落照遲。有箇山僧倚松睡，恐人來取白猿兒。

玉像珠龕香陣橫，錦霞多傍石牆生。辟虵行者今何在，花裏唯聞鳩鳥聲。

題蘭江言上人院二首

一生只著一麻衣，道業還欺習彥威。手把新詩說山夢，石橋天柱雪霏霏。

只是危吟坐翠層，門前岐路自崩騰。青雲名士時相訪，茶煮西峰瀑布冰。

書石壁禪居

赤旃檀塔六七級，白菡萏花三四枝。禪客相逢勸歸去，此心能有幾人知。

送人游茅山

茅真舊宅基猶在，藥竈苔深土尚殷。君見道人憑與問，大還還字若爲還。

聽僧彈琴

家近吳王古戰城，海風終日打檣聲。今朝鄉思渾堆

積琴上聞師大蟹行

風琴

至竟心爲造化功一枝青竹四絃風寥寥雙耳更深
後如在緱山明月中

庭橘

蟻踏金苞四五株洞庭山上味何殊不緣松樹稱君
子肯便甘人喚木奴

落花

蝶醉蜂癡一簇香繡葩紅蒂墮殘芳因嗟好德人難
得公子王孫盡斷腸

苦吟

河薄星踈雪月孤松枝清氣入臙膚因知好句勝金
玉心極神勞特地無

偶然作

蟬聲引出石中蛩寂寞門扃葉數重誰道思山心不
切等閒畫作兩三峰

招友人宿

銀地無塵金菊開紫梨紅棗墮莓苔一泓秋水一輪
月今夜故人來不來

古戰處

鬼氣蒼黃棘葉紅昔時人血此時風可憐極目無疆
地曾落將軍一陣中

惜花

張泌 三首

蝶散鶯啼尚數枝日斜風定更離披看多記得傷心
事金谷樓前委地時

寄人二首

別夢依依到謝家小廊回合曲欄斜多情只有春庭
月猶爲離人照落花
酷憐風月爲多情還到春時別恨生倚柱尋思倍惆
悵一場春夢不分明

別李源

天竺牧童 二首

三生石上舊精魂賞月吟風不要論慚愧情人遠相
訪此身雖異性長存
身前身後事茫茫欲話因緣恐斷腸吳越溪山尋已
遍却回煙棹上瞿塘

題法雲寺雙檜

方壺居士 二首

謝郎雙檜綠於雲昏曉濃陰色未分若竝毫宮僊鹿
跡定知高峭不如君

隋堤詞

嘗憶江都大業秋曾隨鑿蹕戲龍舟傷心一覺興亡

夢堤柳無情織世愁

題紫微觀

建業卜者一首

昨日朝天過紫微
醮壇風冷杏花稀
碧桃泥我傳消息
何事人間更不歸

贈樊夫人

裴航一首

同舟胡越猶懷思
況遇天妃隔錦屏
倘若玉京朝會去
願隨鸞鶴入青真

答裴航

樊夫人一首

一飲瓊漿百感生
玄霜杵盡見雲英
藍橋便是神仙窟
何必崎嶇上玉京

示毛女

芙蓉老人一首

餌柏身輕疊嶂間
是非無意到人寰
冠裳暫備論人世
一餉雲游碧落間

和

秦宮毛女一首

誰是古是與今
非閒躡青霞繞翠微
蕭管秦樓應寂寞
采雲空惹薜蘿衣

題慈恩塔二首

韋曲女仙

黃子陂頭好月明
忘却華筵到曉行
煙收山低翠黛橫
折得荷花遠恨生

湖水團團夜如鏡
碧樹紅花相掩映
北斗闌干移曉

柄有似佳期常不定

題玉壺

南溟夫人一首

來從一葉舟中來去
向百花橋上去若到人間扣玉壺
鴛鴦自解分明語

贈封陟二首

上元夫人三首

謫居蓬島別瑤池
春媚煙花有所思
爲愛君心能潔白
願操箕箒奉屏幃
弄玉有夫皆得道
劉綱兼室盡登仙
君能子細窺朝露
須逐雲車拜洞天

留別

蕭郎不顧鳳樓人
雲澀回車淚臉新
愁殺蓬瀛歸去路
難窺舊苑碧桃春

題門右石上

王氏女一首

翫水登山無足時
諸仙頻下聽琴詩
此心不戀居人世
唯見天邊雙鶴飛

靜室歌

戚逍遙一首

笑看滄海欲成塵
王母花前別衆真
千載却歸天上去
一心珍重世間人

送酒歌

洛苑花神二首

皎潔玉顏勝白雪
况乃當年對芳月
沈吟不敢怨春

風自歎容華暗消歇
絳衣披拂露盈盈
淡染臙脂一朶輕
自恨紅顏畱不住
莫怨春風道薄情

閒吟

君山老父一首

湘中老人讀黃老手
援紫籙坐碧草
春至不知湘水深
日暮忘却巴陵道

得仙詩

楊監真三首

天教絕粒應精誠
道啓真心覺漸清
雲外仙歌笙管合
花間風引步虛聲

飛鳥莫到人莫攀
一隱十年不下山
裏中短書誰爲

達華山道士賣藥還

日落焚香坐醮壇
庭花露濕漸更闌
淨水仙童調玉液
春宵羽客化金丹

青童君

神女一首

月露飄飄星漢斜
獨行窈窕浮雲車
仙郎獨邀青童君
結情羅帳蓮心花

贈漢武帝

王母一首

珠露金風下界秋
漢家陵樹冷脩脩
當時不得仙桃力
尋作浮塵飄隴頭

荅王母

漢武帝一首

五十餘年四海清自親丹竈得長生若言盡是仙桃
力看取神仙簿上名

和

王子晉一首

月照驪山露泣花似悲先帝早升霞至今猶有長生
鹿時遶溫泉望翠華

賦上清神女催粧

茅盈一首

水精帳開銀燭明風搖珠珮連雲清休勻紅粉飾花
態早駕雙鸞朝玉京

席上賦

巢父一首

三星在天銀漢回人間旦色東方來玉苗瓊藥亦宜

夜莫使一花衝曉開

題酒樓壁

伊用昌一首

此生生在此生先何事從玄不復玄已在淮南雞犬
後而今便在玉皇前

醉吟

許碛一首

閨苑花前是醉鄉滔翻王母九霞觴羣仙拍手嫌輕
薄謫向人間作酒狂

題漢州西湖

嚴公弼一首

西湖創置自房公心匠縱橫造化同見說鳳池推獨
步高名何事滯川中

題僧壁

韋蟾 二首

一竹橫簷挂淨巾
竈無煙火地無塵
剃頭未必知心法
要且閒於名利人

謔李湯題名

渭水秦川拂眼明
希仁何事寡詩情
只應學得虞姬壻
書字纔能記姓名

贈同年子何澤

崔公 一首

四十九年前及第
同年唯有老夫存
今日殷勤訪吾子
穩將鬢鬣上龍門

贈高僕射

李洞 一首

征南破虜漢功臣
提劍歸來萬里身
閒倚陵雲金柱看
形容消瘦老於真

席間詠琴客

崔珣 一首

七條弦上五音寒
此藝知音自古難
唯有河南房次律
始終憐得董庭蘭

獻廬江牧

曾生 一首

拜玉亭閒送客忙
此詩孤恨感離鄉
尋思徃歲絕纓事
肯向朱門泣夜長

酬朱慶餘

張籍 一首

越女新粧出鏡心
自知明豔更沈吟
齊紈未是人間

貴一曲菱歌敵萬金

酒後謝陸虔

崔櫓一首

醉時顛蹶醒時羞
麴蘖催人不自由
回耐一雙窮相
眼不堪花卉在前頭

書滄浪峽亭板

鄭仁表一首

分陝東西路正長
行人名利火燃湯
路傍著箇滄浪
峽真是將閒攪撩忙

悼亡妓

韋氏子一首

惆悵金泥簇蝶裙
春來猶見伴行雲
不教布施剛畱
得渾似知逢李少君

贈韋自東

大白山道士一首

三秋稽顙叩真靈
龍虎交時金液成
絳雪旣凝身可
度蓬壺頂上彩雲生

萬首唐人絕句卷第六十四

